

СССР-нь Верховнай Советъ

Президиумсонза

Государственной Трудовой Резерватненъ колга

1940 кизонь октябрь 2-це шистонза СССР-нь Верховнай Советъ Президиумоц лихтсь Указ „СССР-ть Государственной Трудовой Резерванзон колга“.

Минь промышленностеньконь сядя товодонъ касфтоманц задаца, — корхтаци Указа, — веши од рабочай виный постоянный приток шахтатненди, рудникненди, транспорту, фабрикатненди и завоттненди. Рабочай классъ составонц непрерывнай пополненияфтомонза минь промышленностеньконь успешнай развитияц невозможнай.

Минь странасонк марнек машфтф безработицась, навсегда машфтф нищетасть и разорениясь велеса и ошса, сяс миньконк аш тяфтама ломатть, конат ба уелельхть вынужденайхть эрямс стак и эняльдемс, штоба прималезь синь фабрикатненди и завоттненди, стихийна тиемок, тяфтате, рабочай виный постоянный резерв промышленности.

Тяфтама условияс государствать инголе ащи задача организованна аноклакшнемс од рабочайхть ошень и колхознай од ломаттненъ эзда и тиес эрявикс трудовой резерват промышленности.

Штоба тиес государственнай трудовой резерват, СССР-нь Верховнай Советъ Президиумоц постановляет эрь кизоня аноклакшнемс промышленности государственнай трудовой резерват 800 тежяньцта сявомок 1 миллион ломаньц модемс, сян вельде, штоба тонафнемс ошень и колхознай од ломаттненъ определеннай производственной профессиятненди Ремесленной, Железнодорожной Училищатненъ эса—коса тонафнемась 2 кизот и Фабрично-Заводской Обучениянь школатненъ эса—коса тонафнемась 6 кофт.

Тонафнемась етафневи питнефтема и тонафнихне эсь тонафнемасон пингста ашихть государственвать иждивениясь.

Рабочай виный государственнай резерватне ашихть СССР-нь На-

роднай Комиссаронъ Советъ непосредственной распоряжениясь и не могут использовандакшнемс наркоматтне и предприятияне правительствать разрешенияфтомонза.

СССР-нь Народнай Комиссаронъ Советти максф права эрь кизоня призывать (мобилизовандакшнемс) 800 тежяньцта сявомок 1 миллион ломаньц модемс ошень и колхознай од ломатть мужской полса 14—15 кизонь возраста Ремесленной, Железнодорожной Училищатненъ эса тонафнеманди и 16—17 кизонь Фабрично-Заводской Обучениянь школатненъ эса тонафнеманди.

Колхозонъ эрь 100 члентти (лувомок алятненъ и аватненъ 14 кизоста сявомок 55 кизос модемс возраста) колхозонъ председателхне эрь кизоня должетъявошнемс призывонъ (мобилизациянь) порядка кафта ломатть мужской полонъ од ломанъ 14—15 кизонь возраста Ремесленной и Железнодорожной Училищатненди и 16—17 кизоса Фабрично-Заводской Обучениянь школатненди.

Трудящайнъ депутатонъ ошень советтне обязат эрь кизоня явошнемс од ломатть вьре азф Училищатненди и ФЗО школатненди тяфтама лувксса, конанъ латцесы СССР-нь Народнай Комиссаронъ Советсь.

Ремесленной и Железнодорожной Училищанъ и ФЗО школанъ сембе аделайхне лувондовихть мобилизовавдафокс и обязатт работамс 4 кизот подряд государственнай предприятиятненъ эса работам вастса тефст зарплатанъ обеспечиндазь.

Сембе ломаттне, конат аделасть училищат и ФЗО школат, пользovanдайхть отсрочкаса Краснай Армияв и Военно-Морской Флоту призвать коряс сембе пингть государственнай предприятиятненъ эса синь обязательнай работамасон сроконц етамс.

(ТАСС).

СССР-нь Совнаркомса

СССР-нь Совнаркомъ видес образовандаф Трудовой Резерванъ Главнай Управления

ССР-нь Союзонъ Народнай Комиссаронъ Советъ постановил организовадамс СССР-нь Народнай Комиссаронъ Советъ видес Трудовой Резерванъ Главнай Управления.

Областтненъ, крайхненъ и республикатненъ эса тиендевихть Трудовой Резерванъ областной, краевой и республиканский управления, а Москуса и Ленинградса—тяфта жа Трудовой Резерванъ и Городской Управления.

СССР-нь Совнаркомъ видеса Трудовой Резерванъ Главнай Управлениясь должен аноклакшнемс и распределять промышленностти и транспортти Государственной Трудовой Резерватненъ, конат тонаффт Ремесленной, Железно-

дорожной Училищатненъ и Фабрично-Заводской Обучениянь школатненъ эса.

Ремесленной, Железнодорожной Училищатненъ и Фабрично-Заводской Обучениянь школатненъ содержаниясьонды и оборудованиясьонды расхоттненъ инкса 1940 кизоня СССР-нь Совнаркомъ видеса Трудовой Резерванъ Главнай Управления ти нолдави 1 миллиард цалковай.

СССР-нь Народнай Комиссаронъ Советъ видеса Трудовой Резерванъ Главнай Управления ти начальникокс назначендаф П. Г. Москатов ялгась.

(ТАСС).



Молочно-животноводческий совхозса (Каунас ошса) организовавдаф комсомольский организация.

СНИМКАСА: Совхозонъ комсомолецненъ васенце собраниясна.

Фотось Д. Черновть (Фото-клишесь ТАСС-ть).

СССР-нь СРЕДНЯЙ ШКОЛАНЪ СТАРШАЙ КЛАССНЕНЪ ЭСА И ВЫСШАЙ УЧЕБНАЙ ЗАВЕДЕНИЯТНЕНЪ ЭСА ТОНАФНЕМАНКСА ПИТНЕНЪ ПАНДОМАТЬ КОЛГА И СТИПЕНДИЯНЪ НАЗНАЧЕНДАМАНЪ ПОРЯДКАТЬ ПОЛАФТОМАНЦ КОЛГА

Лувомок трудящайхненъ материальной благосостояниясьон касф уровнемон и средний и высшай учебнай заведениянь апак лотксеккасы сетть строительствацты, оборудованияцты и содержанияцты Советский государствать оцю расхонзон, СССР-нь Народнай Комиссаронъ Советсь лувозе необходимайкс путомс СССР-нь средний школатненъ и высшай учебнай заведениятненъ эса тонафнемать колга кой-кона расхоттненъ синьценъ трудящайхненъ лангс. Средний школанъ 8, 9, 10 классненъ эса и высшай учебнай заведениятненъ эса тонафнеманкса пандомась сувафневи 1940 кизонь сентябрь 1-це шистонза сявомок.

Москувонъ и Ленинградонъ, а тяфтажа союзнай республиканъ столичнай ошень школатненъ эса латцези пандома—200 цалковай кизоти. Сембе ляды ошень эса, а тяфтажа велетненъ эса—150 цалковай кизоти. Азф платась распространяндакшневти техникумонъ, педагогический училищанъ, сельскохозяйственной и медицинский школанъ и лия специальнай средний учебнай заведениянь тонафнихненди.

СССР-нь высшай учебнай заведениятненъ эса тонафнеманкса латцези тяфтама питне: Москуса, Ленинградса и союзнай республиканъ столицатненъ эса—400 цалковай кизоти, лия ошненъ эса—300 цалковай кизоти. Художественнай, театральной и музыкальной высшай учебнай заведениятненъ эса латцези пандома 500 цалковай кизоти. Тонафнеманкса питнесь макссези роввай доляса кафксть кизоти: сентябрь 1-це шистонза и февраль 1-це шистонза. 1940—41 тонафнема кизотъ васенце полугодиястонза тонафнеманкса питнесь эряви максомс тя кизоня ноябрь 1-це шидонза аф поздна.

Средний и высшай учебнай заведениятненъ эса заочнай тонафнеманкса питненъ пандомась сывондеви половиннай размерса.

1940 кизонь ноябрь 1-це шистонза сявомок стипендият назначандакшневихть аныцек ся студенттненди и техникумонъ тонафнихненди, конат отличнайста тонафнихть.

(ТАСС).

Мзярдонга аф юкстави речь

Октябрь 2-це шистонза Связень Мордовский управлениять помещеняса ульсь йотафтф об'единеннай комсомольский собрания, коса ульсь связанъ республиканский управлениянь, городской конторанъ и спецсвязень первичнай организациянь комсомолецне.

РКСМ-нь III-це с'ездса азф В. И. Ленинть реченц коряс доклад мархта выступил Чернов ялгась. Сон подробна лоткесесь задачатненъ лангс, конатненъ пугозень Ленинц комсомольте инголи тя бессмертной речсонза.

Башка ялгатне эсь выступлени-

ясост няфнезь, кода нят комсомольский организациятненъ эса комсомолецне пашкотыкшнесазь Ильичть заветонзон. Особай мяль шарфнестъ комсомолецненъ дисциплинасьон лангс. Попов ялгась эсь выступлениясьонза азозе, што кой-кона ялгатне, кода Зимина ялгась прясон вятсьазь аф комсомолецекс. Нльне комсомольский собраниясонга вятсьазь эсь прясон, аф цебарьста. Комсомольский комитетти комсомолецненъ дисциплинасьон ширес эряви шарфтомс сатомшка мяль.

М. Сайгин.

ШКОЛЬНОЙ ЭРЯФСЬ

УЧЕНИКНЕНЬ ОБЯЗАТЕЛЬСТВА СНА

Атерь велень средний школаса кизоня тонафни 900 ученик. Штоба цебарьста аделамс тонафнема кизоть, сембе ученикне сувасть социалистический соревнования.

10-це классонь ученица Селиванова Женясь, конац 9-це классть аделазе отличной оценкаса, эсь лангозонза сясь обязательства, штоба 10-це классть аделамс тяфта жа отличной оценкаса. Тяфта-

ма жа обязательства эсь лангозост сясь А. Поповсь и старший классонь иля ученикневок.

Тяда башка, ученикне-допризывникне, кода Семайкинць, Пивкинць, Паркинць и лятне макссь вал, што синь тонафнемань шовор макссь норматнень сембе оборонно-физкультурной значокнедн.

К. Черакшев.

Атюрьевань район.

АШ ДИСЦИПЛИНА

Глушка велень средний школаса сембоц лувовдови 42 комсомолец. Конешна, тя вийсь аф йомла. Но сембе бедась сян эса, што тя комсомольский организациясь пяк калдявста ладяф союзной дисциплинась.

Сентябрь 28-це шистонза комсомолонь комитетсь йотафтсь открытой комсомольский собрания, конань эса примасть участия анецк 16 комсомолец. Тяся улихть аф кржа комсомолецт, кода Чепин Н., Журавлев С. и илятне, конат аф дисциплинированной шить сюнеда тонафнемаса няфнихть калдяв кепотькст. Синь

5—6 калдяв отметкасна.

Черяпкин В., Журавлев С. и иля комсомолецнень 4—5 ковонокса апак пантт членский взносновок.

Тя комсомольский организациясь тяфтажа пяк калдявста ладяф „ВКП(б)-ть историянц Краткий курсонц“ тонафнемацка. Комсомолецнень эзда пятай кивок политический знаниянзон аф касфнесыне.

Нят сембе аф сатыкне кунарикне эрявольхть машфтомс, но комитетонь секретарсь Саликовсь мес бди йотнесыне синь вакса.

Н. Лобанов.

Кадошкинский район.

ОТЛИЧНИКСЬ КОЧКАФ ГРУППОРГОКС

Атюрьевский средний школань учениксь-комсомолецсь Тишкин Емельянц отличнайста тонафнеманц и примерной поведенинц вельде ученикнень и преподавателхнень йоткса пользовадай оцю авторитетса.

Тишкин учениксь йотай кизоня тонафнесь сембе предметнень коряс анецк отличнайста и активна участвовандась школьной эряфса.

Тяддень тонафнема кизоть ушedomstonзакиге няфтсь цебарь дисциплинированность и аккуратность тонафнемаса, ялганзон йоткса поведенинса, куду макссеви заданиятнень пашкодемаса. Сон тонафни 9 класса.

Тишкин ялгать кочказь группоргокс.

А. Попов.

Пионерхне юкстафт

Потякш велень пионерский организациясь пионерхнень и школьникнень йоткса сембе воспитательной работат кадозе эсь отям молемати.

Пионерхнень и школьникнень ули пяк оцю мялсна работамс самостоятельность и оборонно-физкультурной кружокнень эса, но нят кружокне нинге апак организовандат. Тя организациати старшай пионервожатыйкс кемокстаф Д. Лемякинць, но сон тяфтама положенинть каршес аф вяти кодамовок тюрема.

Сави азомс, што пионерский организациати тяфтажа аф максси кодамовок лезкс комсомольский организацияське.

Пионерхне надияхть, што ВЛКСМ-нь Краснослободский райкомсь пионервожатый Д. Лемякинть кошардсы работам.

С. Сургаев.

Краснослободский район.

Клубонь сцена
лангса

Атюрьевский райклубонь массовиксь И. Селиванов ялгась комсомолецнень эзда пуроптсь драматический кружок, конац трудяшайхнеди систематически путни спектакльхть, инсценировкат. Клубть работасонза сембода активнай участия примосихть комсомолецне Латышев, Бакашкин, Ласкина и Талин ялгатне.

Райклубонь драмкружоксь няфтсь эсь вийнзон мархта пяк сложнай постановкат, кода „На границе“, „Любовь яровая“, лама инсценировкат и фкя актса пьесат.

Тяни драмкружоксь аноклай Островскийть „Предложение“ пьесанц, аноклайхть постановка Октябрьский Социалистический революциять 23-це кизонцты.

А. Попов.

Анокста васьфтьсась
тялоть

Сире Шайговань районца „Од эряф“ колхозть руководителенза шарфнихть оцю мяль колхознай жувататнень тялоти анокламаснон ширес. Сембе помещенинть цебарьста урядат: читяфт, тиф эзост эрявикс дезинфекция и стак тов.

Аф иляткшихть „Од эряф“ колхозть эзда тя тевса и „Красная ожа“ колхозонь руководителхневок. Тяся тяфтама жувантань пирьфне и карьдонятне тялоти аноклафт. Сембе помещенинтенди тиф ремонт.

Ив. Ямашкин.

Ответ. редакторсь И. ЧУДАЙКИН.



СНИМКАСА: МАССР-нь Верховнай Советонь депутатсь, Инсарский МТС-нь директорсь-комсомолецсь Горин ялгась. Фотось Ивенинть.

Кемокстась
трудоу
дисциплинась

СССР-нь Верховнай Советть июнь 26-це шистонза лифтьф Указонц опубликовандамда меле йотась колма кофт. Тоса, кося тя исторический указть шарьхкодезь оцю политический значениянц, кармась кемокставома трудовой дисциплинась, кармась касома трудонь производительность.

Саранскийнь маслозаводса, кепотьксонди, майть 1-це шистонза сявомок июнь 26-це шинцты модемс прогулонкса валхтф работаста 21 рабочай, а сентябрь 27-це шинцты тисть прогул ниле ломатть, конат судендафт принудительной работань разнай срокс. Ня прогулхне август ковста, а сентябрь 1-це шистонза сявомок тячиень шис ашель фкявок прогулонь случай.

Маслозаводонь рабочайхнень йоткса партийнай, комсомольский и профсоюзной организациятне вятихть вишке массово-агитационнай работа. Тянь вельде шиста-шис кемоксви трудовой дисциплинась и касы трудонь производительность.

А. А. Митрошин.



Черновицы ошень предприятиянень эса организовандафт од ломанень кружокт, кося тонафнесазь ВЛКСМ-нь ЦК-ть уставонц и программанц.

СНИМКАСА: „Тринако“ трикотажнай фабрикаса кружоксь занятиясь.

Фотось Б. Козюкть (Фото-клишесь ТАСС-ть).

Великий праздник васьфтьсаськ
достойнайста

Сузгяргя велень комсомольский организациясь нят шитнень пингста йотафтсь од ломанень общей собрания, конань эса примасть участия 50 ломань.

Собраниянь участникне кулхцондсть доклад международнай положенинть колга. Докладчиксь од ломаттнень пяк подробна и шарьхкодевица знакомондазень империалистический омбоце войнать ушedomань причинанзон, сонь целензон и внешний политикаса социалистический родинаньконь огромный достижениянзон мархта. Минь странань од ломаттне сталинский мудрай политикать вельде мольфтьсась эсь плодотворнай и творческий работаснон, сьика пингста капиталистический странань од ломаттне кирдихть войнаны ужаст, вачашит.

Докладта меле од ломаттне обсудили кизефксть колхознай клубть работанц колга.

—Колхознай клубсь,—корхтась

собраниянь участникне,—должен работамс четкайста. Но минь велесонк работань тя участкась катф эсь отям молемати. Клубонь заведующайсь Фадеев ялгась зарплатань получада башка мезнявок аф тиенди, а вель исполкомсь клубть шири ваны равнодушнайста.

Од ломанень собраниясь колхозонь правлениянь и вельисполкомть инголи путсь кизефкс, штоба клубти инь куроконь пингста тиес ремонт и тейнза эрявикс культуринвентарень рамамс и газетань сьорматфтомс нолдамс сатомшка средстват. Тяда башка од ломанень собраниясь наметил лама мероприятия, конат пяк лездыхть клубть работанц кореннойста одукс ладяманцты.

Тяка жа собраниясь од ломаттне организовандасть СВБ-нь первичнай организация, оборонно-физкультурной и драматический кружокт, конатненди кемокстась цебарь, работоспособнай руководи-

тельхть.

Мекольдень кизефксть коряс комитетонь секретарсь Маскаев ялгась азозе, што тя кизоня комсомолецне и велень од ломаттне сьоронь урядамаса макссь пяк оцю лезкс колхозти. Комсомолецнень и од ломаттнень вийса урядат 120 гектар тозер и пинем, 22 гектар снав и стак тов.

Тяфтажа сави азомс, што колхознай производстваса ударнай работат вельде од ломаттне тисть аф кржань трудоши. Кепотьксонди, Сургаев Викторсь сентябрь 20-це шинцты самстись 332 трудоши, Трощев—220, Сулеев—273, Кочкалов—168.

Од ломаттне решили Великий Октябрьский Социалистический революциять XXIII-це кизонц ознаменовандамс достойнай подаркаса. Синь эсь лангозост сясь обязательства, штоба колхозть 50 гектар лангса апак скирдовандак тозеронц и пинемонц скирдовандам инь куроконь пингста.

Лодорев.

Рузаевский район.